


A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Christian Tangkou

Vol. 54 || No. 11

November, 2018



Editor: Rev. Stephen Chinzathang

Synod Kumpuon: **"Pasian thuguh kem"** (I Korin 4:1)

Khristian Tangkou

Vol. No. 54 || Issue No. 11 || November, 2018

Editorial Board

Editor	: Rev. Stephen Chinzathang - 9863042789 ct_stephen@yahoo.com
Joint Editor	: Rev. Khamchinkhai - 8730933744
Cir. Manager	: Upa Jamsianmung - 9862086615 sianmung@rediffmail.com
Bus. Manager	: Upa Kamgenpau - 8974612937 Shie T. Ginzahau - 8974438842
Cont. Editors	: Upa Khupsuankham - 9856406454 Rev. Awnkhankhup - 9862828921 Rev. Dr. Hangpi Maunlun - 9862910875 Rev. Kaimuanlal - 9862923960

ZOU SYNOD ULIENTE

- **Moderator:**
Rev. Awnkhankhup
- **Moderator Elect:**
Rev. Dr. Hangpi Maunlun
- **Secretary (Sr):**
Upa Er. Thangchinmang
- **Secretary (Jr):**
Upa Liensuonkap
- **Treasurer:**
Upa Chinsuanthang
- **Statistician:**
Upa Khaihenthang
- **Executive Secretaries:**
Rev. Stephen Chinzathang
Rev. Khamchinkhai

A sung thu

- Editorial..... 01
- Thu tuomtuom & Thumpi ding..... 03
- Talawm lawm i minte uh 06
- Ngolvei Innkuon 09
- Khutzungte tanchin..... 14
- Khanglaite Jesu Khriust a dingin....17
- Seminar Reports..... 22
- Jesu Khrist koi hi e? 23
- ZPWF Cumlumn 24

Copies - 1200

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Pasian Hattuum leh Pawlpi sung ah tahsa a vaihawmna, Pasian thu a ding hingal kidehtuona kikan-kuotna a sawt taluota hi.

Pasian Gam leh Tahsa gam vaihawmna leh Pasian gam vaihawmna hingal a Tahsa/Khovel pei dan a pei chi thu gelkhawm talei a ut huoi hi. Hattuum kichi Volume masa ah a kigenta hi. Tua ahilai in tunia i gen nuom pen ahileh Pasian gam leh Pasian hina (the essence of God) thei chet hunta kasa hi. Pasian hina leh Pasian Hattuumten i bawl ding uh bawl talei tuate bang tobangte adiei, what do God want me to do as a believer in Christ (Jesu Khrist Mang leh Hundampa a na pom tahleh Mangpa lungsim hol khu nang nasep ding hilou ama, Pasian deilamte khu bang tobangte adieile?

Mt. 22:37-39. Jesun a kungah Mangpa na Pasian khu na lungtang zousie, na hagau zousie in tualeh na lungsim zousie in, na it ding ahi. (38) Tami thupieh masa leh lienpen ahi (39) Ani na khu tambang ma ahi a, Nangma na ki-it bang in na innvengte it in (40) Tam dan thupieh tegel tungah dan thu leh guolneite thu zousie a kikkaikhawm sieng ahi hi.

I. Pasian Hattuum leh gingtute bawl ding “Mt. 22:37-39: “Na lungtang zousie in.....” a chi khu Hattuumten Pasian kung ah i bawl masah pen ding in ka thei hi. Pasian mi, Pasian a pienthana, Pasian a hinna hoitah neite a ding a lungtang zousie a Pasian thu a hin, Pasian khu belpen leh gingu na hina a na kibulphuna ahiding khu a masapen ahi.

Pasian leh Pasian thu leh ginna lampi puitu hoipen khu Bible leh Khristiante kizilsahna thuginte khu ahi. Tua ahilai in tulai gingu kichi khenkhatten khovel pei dan Hattuum leh pawlpi sung ah hing polut in ginna subua leh tahsa a kideh tuate a hing pieng thei in zong ga (fruit) hoilou tah mimal kihutna leh kimudanate a piengsah thei hi.

II. Na Hagau zousie Mt. 22:37-39: Pasian Biehna ah Pasian Hagau toh kipawl lou a Pasian Hagau Siengthou in a puilou Pasian Hagau Siengthou in a sukhah lou (Conviction) apiehlou gingu pen buoina lou ding a buoi in, khovel silte, tahsa silte toh Hattuum Pasian puilou a suoh sah zel hi. Pasian khu Hagau ahia, Hagau toh Bieh ding ahi. Pasian pen buoina panglou ahizieh in Pasian puina leh Pasian thu a hindan hoitah gasuo sahna ding a pan lah ding ahi.

III. “Lungsim zousie” Mt. 22:37-39: Lungsim zousie a Pasian beloute gingu a keniem sah a tualeh ngaisah lou dingte ah buoi uhi. Lungsim zousie a Pasian belouten Pasian biehnah ah a ginna uh a suniem a, gingu Pasian sanga lungsim pieh dohna sil tuomtuom a um thei hi.

Lungsim zousie a Pasian belou i hi chiengleh lungsim chitahlou lungsim siengthoulou leh eima lam a Pasian puina panglou lungsim zousie piehna lungtang neilou gingu atamta a tuachin eima tahsa galdouna pat a pawtdoh ding a kul mamata hi. Tam Laisiengthou Mt. 22:37-39 in eite a hing zilsah ut ahileh Pasian a Pasian pie in len khovel a khovel pie in tuachin Pasian a gingu lungsim kisiemphatna hoitah nei in Mangpa Jesu hing pei kia ding thanuom tah in ngah va ui.

.....

LICENCIATE PASTOR KIPIE

USA gamka sung a i mi-isa umte enkol leh kem dingin Unaupa Khai Minthang Samte Licentiate Pastor pieh in umta hi. I lungdampi mama uhi. Ama ban kalsuonna dingte thumna toh bawzui chiet va ui.

Thu tuomtuom leh Thumpi dingte



01. Synod Year Planner umsa bang in November ha sung a nipoimaw ineite tam anei abang ahi.

1. Presbytery chin kumtawp khawmpi November 02-04, 2018
2. Synod Annual Audit November 05-09, 2018.

Pasian Hagau pawlna toh lohtah a zah ahithei na din thumna toh bawzui chiet vaui.

02. PCI Huopa Presbyterian Youth Fellowship Youth Camp: Pasian hoina leh mapuina muongkawm in ang tung ding November 09, 11, 2018 sung in Ramhlun North Presbyterian Church ah Presbyterian Youth Fellowship Youth Camp um ding hi. Ahun, amun leh zintuntu a dingte thumsah chiet vaui.

Theme: “Youth: The instrument of change” chi ahi.

03. Upa Telchingte Orientation: Synod a 14 vei Session thuphasah umsa bang in Upa teelching a umte Ordination atan masang un Orientation neipi uhi. Amun: Synod Committee Room Zomi Colony Ani: October 17, 2018. Ahun: 11:00am Synod huong sung a Upa tel ching a umte tel chiet uhi.

04. Consultation on Church Unity in Manipur: Apeisa October 02, 2018 niin Mizoram Synod Manipur Area te saina in Consultation nei khawm uhi. Khumnah Synod chin a Executive Committee member te leh Pastors and Pro. Pastor te vatel uhi.

Topic: Manipur a Hattuum te kipumkhatna chi ahi. Synod tuomtuom apat palaite Manipur Synod, Zou Synod leh Mizoram Synod Manipur Area te ahi. Amun Manipur Synod Hall I.B. Road, Churachandpur.

05. Consultation on “Church and Responsible Citizenship”: Dated 25th-27th September 2018 sung dai in Assembly House Shillong ah National Council of Churches in India (NECCI) leh Presbyterian Church of India te panlahna toh Consultation nei uhi. Zou Synod apat palai mi 2 Pi Mankhanngai leh Tv. Thangneilal te vatel uhi. Amauh tegel ZPWF leh ZPYF te ai-aw ahi uhi.
06. Synodical Exam: Apeisa October 10, 2018 niin Synod Theological Education thuphasah umsa bang in Synod Office Committee Room ah Probationary Pastor inei lel te Synodical exam neipi uhi. Amaute: (i) P/P Khupsianlal leh (ii) P/P Kamminthang te ahi uhi.
07. Workshop on Zou MIL: Apeisa September 29, 2018 niin Zou gaal Hall Zoveng ah ZSP Head Quarter leh ZLS te saina in Zou MIL Workshop nei uhi. Tamnah College leh High School Student 400 val bang tel thei uhi. Resource Persons: (i) Ms. Kimneichiin Lecturer Ebenezer Academy (ii) Upa M. Liensuonkap MIL Zou (Writer) (iii) James Khamchinsuon MIL Zou (Writer) Amauten topic tuomtuom pansan in Sangnaupangte thumopna nei uhi. Tualeh ZLS apat Chairman Dr. Lachinkhai leh Secretary Upa Lamkothawng, Philip Gouzasing leh Lientungnung ten Zou MIL toh kisai panel discussion leh interaction zong neipi uhi.
08. MEP Golden Jubilee Celebration 1968-2018: Pasian khut hat a kepbitna leh mapuina muongkawm in November 01-04 sung in Presbyterian Church TUINING ah 50 GOLDEN JUBILEE CELEBRATION nei ding uhi thumna toh panpi chiet vaui.

Thupi: “Mangpa khu ka hatna ahi” (Psalms 118:14). Tami Jubilee in atup leh ngim ahileh Mangpa hoina zieh a NUOMTHU genna, Amin tawisangna leh Ama thupina piehna zong ahi.

09. Seminar on Envisioning With united Christian Prayer for India: Pasian hoina leh mapuina toh apeisa October 10, 2018 niin Churachandpur District Christian Good Will Council te panlahna toh SEMINAR ON ENVISIONING WITH UNITED CHRISTIANS PRAYER FOR INDIA chi thupi zang in EBC Gospel Centenary Hall Hebron veng New Lamka ah lawchingtah in kizang zouta. Tam hun ah Churachandpur District sung a denomination tuomtuom vatel uhi. Zou Synod apat in zong Palai 7 bang vatel thei uhi. India gam sung a Khristian soisah a umte a din thumzing vaui.
10. Synod last Branches Committee: Synod a 14 vei Session thuphasah umsa bang in last Branches Committee ding November 07th, 2018 in kipan ding a, November 22nd, 2018 in zou ding uhi. Committee teng nai 10:30am in kipan ding hi. Session minute bu ana en zel in.
11. Synod Khawmpi: Pasian hoina leh mapuina kinem touzel in ang tung ding 29th Nov. - 2nd Dec. 2018 sung Presbyterian Church NEW ZO VENG ah a 15 vei Zou Synod Session Khawmpi um ding hi. Thumna toh bawzui in thei chet vai. Thupi: “Pasian thuguh kem” chi ahi.
12. Apeisa October 18, 2018 niin (ZNCT) te saina in Presbyterian Church Lailam Veng ah a 31 vei Zou nampi thumkhawmna nei zouta uhi. Zou sung a biehna tuomtuom a lamkaite tel chiet uhi. Khela tah leh hawmthaw tah a zaw ahi. Thupi: “Nampi kipumkhatna” (Jn. 17:22)) ahi.

TA LAWMLAWM I MINTE UH ZONG MAW!

Bolly Wood Film (Hindi) taphot ah agunda (migilou) tengteng Khristian min a neisah deu gige uh pen hehuoi talawm hi. Hindi film a migilou a minthang deute John or Johnny, Paul, Mark, Andrew, Peter, Samson leh a dangdangte ahisah uh. Tuma lam deu in India Khristian Leaders forum te dan deu in Film Producer's guild ah ava complain thu uh Rev. Dr. Vanlalnghaka in hing hil hi. Complain dia hoi mama thou hi. Film a tuolthattu, Numei suomtu, guta leh atangval te'n aziel thopthop leh a vuoh thopthop te bang uh Sawltah te min zong Khristian min ngen ahi tangpi deu hi. Azahda huoi mama thou hi. Sunday School subject a inei Nasepte 5:11 ah Anania leh Saphirate nupa tanchin a imu athu um zie belap ding umlou kei in chiengtah in akigiel ahi. A Bible thupen gensawn ka hi sih a, a minte uh buoipi huoi khop hi in ka thei hi! Anania min umzie "Grace" ahileh "It" ahisih leh "Hepi" china ahi ding a, Saphira min umzie zong "Beauty" ahi leh "etlawm" china ahi ding. Amin umzie te pen zosuon te lah a adieh khol in Hmar leh Lushai haam zangte toh kilawm khawm deu uhi! Eilawi min phuoh dan in la lei vang Anania min umzie pen Lalhmangai ahisih leh Lalthanlian e ahi ding khum mabang in Saphirra min zong Lalnunmawi ahisih leh, Lalrimawi..e Lalneimawi chi .. e ahi ngei ngei ding hi. Tamtegel Nupa toh eilawi min ahing kibang deh sim a, lamdangtah na ahi...! Bible a min umzie neite pawlte lah ah a hoi pawltah ahi. Ahivang in a shidan uh a mulkim huoi Juda Iskariot zomtu ahimai uhi. Tamte Nupa minphuoh dan eilawi in ina zui lai zang uh pen sil kipah huoi ahi diei maw... ! "Lal" tellou a minphuoh. Ta ka nei ua kipat in kanu leh pate kung ah "Lal" tellou a katate min

na phuoh ding uh ahi ka chia, ka pa'n "Lal" tellou a min phuoh ding hasa maven maw...! achi hi. Min ichi aneitu leh aphuohtu zil ahi. Ahoi leh vanlam kawh khelkhel pen hinkhuo lamzanna ahi tuom sih. Assam Daily News paper te drugs puo a a matte uh zu hoilou puo bang leh thau leh galvan zuohte bang, nganza puo a amatte vel uh zosuon min nei tam hina mai zen uh e ...! Aminte uh la "Lal" tel ngen hina lai uh....! etsahna ding Gauhati Railways station a tangval khat "Lalringlana" drug gram 100 toh aman uh chivel "Lalringum" kum 26 mi Nganza Kg 50 toh mat ahi. Numei leh pasal galvan toh mankhawm ua, aminte uh Lalvarmawi leh lalrinawma te ah uhi chi atam mama ve...! I min bul ua "Lal" i koipen uh i lal i "Tou" min hileh pen i min phuoh dang tengteng uh ihen kin uh a hoi ding. Kum 1982-83 in Gauhati khopi sung a Mizo welfare ten numei umdan hoilou a matte uh min zong Saphirra minkhiet dan deu ngen ahi mawh uhi...! Min i phuoh chieng un singpi hum tahtah dawn in innkim, innvengte ichiel ua, Vanlam Lal min kheel in i phuoh ua, Pastor in thumsahna nei in a laana, i Amen duomduom zel uhi. Min phuoh i pilvang ding uh. Min hoi mama nei napi a, hinkhuo a siet a sie umthei hi. Minphuoh dutui leh i deiteel bang un hinkhuo kepna leh hinkhuo zatna ah i pilvang vawtsih uh chi a kilang mama hi. 1982 November ha in Shillong club ah "North East Church Leaders' Consultation' ka nei ua, zingkal breakfast ne dingin Upa Dr. Friday (Cabinet Minister) in Dr. Mathew Finny, Sunup Aonok leh kei hing chiel hi. "Kou lawi minphuoh dan a bailam mama hi. Friday (Ziltawpni) in ka pieng a, "Friday" chin a kigel a; ka pu min Zavuoah ahi. Kapa leh ka paneu min ah "Lal" atel vawt sih. Thadou min toh akinaizaw daih uhi. Ka naupang lai a i Missionary hangsan Phamsa Rev. Thattinlien sungte in Rengkai ICI Biehinn a athugen ka ngaituo khie thatha hi. Tambangin gen hi. "Lalsandamte" Lalrawngbawlte, Lalringumte, lalrawngbawlte lawi gotmun a um a, tangtawn a danghul zen a akipeh zing den mai ding uh maw...! chi hi. Bible min dei deute. Kamin kibatpi mikhat chau um hi in ka thei a akhuo uh Saikot ahi. Ka neulai in Rengkai road ah ka

nu'n "Mansang" chin ang han a apapi bawngsa khaikawm a lampi a pei toh ka dawngkhawm chet ua, lamdang kasa seng Pa ;hoitah hiin ka thei...! Laa in "Jesu amin hoi ki phuoh un" ana chi hi. Mang Jesu min heng un achina hilou in Sam 72:19 na gen ahizaw. Sapham "Take the name of Jesus with you" child of sorrow and woe, achi hi. Bible a mi minthang khenkhatte enta lei Abram min umzie pen "exalted father" (Pa min hoi/pa tawisang) china ahia, Pasian in Abraham (Nam tampite pa) chi in ensah hi. Etsahna'n Ismael min zong Pasian phuoh ahi thou hi ahoi mama a, Pasian in a ngaikhie (God hears) china hinapi'n mi tampiten iphuoh khol sih uh a bang hi.!Absalom in zong "Kilemna Pa" father of Peace china ahi. Hoi mama na pi'n koiman iphuh nuom sih uh. Thomas chi zong peeng(twin) china ahi. Naupang nei bangza ahiei i um ding a, hinanleh Jesu thawkiana ginglel dan deu a um ziehin koiman a min zang nuomlou hivai. Unau sim lam ten khohsa lou deu uh ahi ding. Thomas kichi aum deu uhi. Stephen pen ashidan i ngaisang deu ziehun amin puo itamm ama uhi. Martar shi a shi hiel ding vang i um sih mai thei...! Juda Iskariot min bangbang min puo hei mun ah zongum din ka gingta sih nuazui 12 te lah a apoimaw mun teng a pang khasam ahi man in. Phattuomngaitah a min bang ana phuoh kha aum de aw kachi sim a, a vangkhop maithei. Min hoi leh vanlam koh ingainat bangun "hinkhuo hoi leh nundan hoi" dei hileng zaw mi zattah Pasian adia zattah leh vanzat manpha tampi i um uh ka gingta hi. India simlam gamte'n Jesu nuazui te khat mai zong deikhop lou in a thuo a thuo in a zangkop uhi! John Thomas, John Mathew: Eilawi in vang nuazuite min chau deikhop lou in "Van Mangta" min i heng ziehzieh uhi. Min leh nam zapi: Tanchin in a theidan un Rev. Franklin Graham in a laisim lai leh a cheirawl lai in apa min (Surname) Graham a giel ut sih achi uhi. Ahinkhuo leh a pa hinkhuo kibang lou senga atheizieh ahi ding. Hinanleh anu'n gingtu muonhuoi tah hidia Pasian hundamna huong sunga apuilut nung in Pasian Sepai hangsan leh ginum mama ahing hi hi. Eilawi zong dachiengin i khothei hun ing nei ngei ding ua, i min phuohthe ipuoh

ngamlou hun hing um din ka gingta. Hing um mama leh chisam ing e...! Min hoi pipi inei ua, min lampang ah i pass ua, hinanleh i umdan uah i fail uhi...! Nang min bang ahiei? Na min bang in na hing na diei? “Van mangta” min bang pawkha talawm napi’n na hinna bang chi in na zang ei? Upa ten a min pawla ahi ana chipawl uh um hi. Bible a min Lar tahtah neite vang, a min bang un a hing ua, Pasian adin kipahpi huoi ahi. Sil thupitahtah semkhie uhi. Eilawi vanlam min puo sam ten lah tunglam silte sang in khovel silte ingaina in, i ngaisang zaw uhi. I minte uh i pawzou mama sih uh. Anania leh Saphira min dan sese in a ngainat uh khoh mama hi. Tate min phuoh vel ina dutui seng uh ahiding.???

Ruth Messenger May-June, 2018 issue apat lahsawn.

.....

NGOLVEI INNKUON

- Lalramhluni

*Ka chinlai unau zawngte u,
Khawvel nawmna chen a len ai chuan;
Pathian ram zawng hmasa zawk rawh u.*

1. Ka pa ve zong pawisa khelkh hmang,
Kan neih ro sum chan pawl sa lovin;
Retheih tlal ralna mai min chanpui.

Dam man a awmlo tlahna tur hlir ani,
Ngawlvei chhungkua kan ni e;
Enton tlak kan awmlo.
2. Kan naute chuan drugs ngawl an vei,
Retheihna bul nunna titawitu;
Pathian ram thleng tur thil awm silo.

3. Kan nula chuan khawlai ngawl a vei,
Khawlei fa pawh a pai hial reng a;
A nunna hial in a lo tawrh phah.
4. Ka chun nunnem sahkaw ngawlvei,
Midangte hi i vei em em a;
Kan inchhung nun sual thim vei silo.
5. Ka chinlai unau zawngte u,
Khawvel nawmna chen a len ai chuan;
Pathian ram zawng hmasa zawk rawh u.

Pasian in sil zousie a siem in hoi a sa mama a, a ni guh ni in Adam siem in Eden huon ah a koita hi. Tuachin Pasian in pasal ama guoh a um a hoisih chi in Adam nahgu a pat Evi siem in a kungah a vapeipi a, tuachin Adam leh Evi Eden huon sung ah teng khawmin Innkuon khat siemkhiet ahita hi. Innkuon siemkhie masapen khu Pasian ahia, a hoi ding a siem hinapi in Setan solna nang zoulou in Pasian in a hoina ding a, a siem Innkuon khu sietna bulpi a hing suohta hi.

Innkuon masapen Adam leh Evi Eden huon sung a pat nawkhiet ahi zou un ta a hing nei ua, tuachin innsung mawpuohna zoulou in, Kain leh Abel tungah tuolthana leh tuolshina masapen a hing tungta zel hi. Tuabang in mihingte gitlouna sang deudeu in Pasian in mi hoilou tamtahte kal ah mi hoite tengkhe zel in tuisangletsah in mihing zousie a that sieng phiel a, Ama lungtuoh umsun Nouahte innkuon maimai a hing uhi. Hinanleh Adam leh Evi in Pasian thu a manlouna uh sisan peipi pen bei theilou ahizieh in mi hoi mama Pasian in a telkhiet vawt Nouha a pat hah-le-suon hing peite zong gitlouna in a hing pha zel hi. Pasian in Abraham, Isaak leh Jakob telkhie in a tuom in Jakob tate (Israel-te) a hing hankhie a, Ama thu a um ding leh A chiem Kanaan gam a puilut ding in ana puikhie hi. Hinanleh Setan nasepna in tawp hun neilou in tuni tan chieng ah Innsung, Hattuum, Khuo, Gamsung ah mi hoilou tamzaw tham a, sietna in ma a sawn hatzaw hi.

Tulai ei Khristian gam chi a i kiletsahpi mama uh hinanleh Khristian hiloute umdan toh a kilamdanna umlou khop hiel in i umta ua, i kimle-pam a Sakhuo dangten musit tah in a hing en un a hing houta uhi. Tambang a kisie i Society, i gamsung, i khuosung, i hattuum hoina ding in a bul patna ding ah i pan khalou a bangta hi. Misiemten Innkuon khu sil zousie kipatna ahi a chi bangun Innsung ah i patlou chiengun khotang ah bangchi tuh in pan la nanlei phatuom tuonlou hi. Tuaziehin innkuon a bul pat ding a thupipen ahi hi. Mizo lasa siem Ms. Lalramhluni in a sah “Ngawlvei chhungkua” a chi in ka lungsim a khoi mama hi. Ka zah chil in nuizatna dan in ka na koi a, hinanleh a thu chientah a ka hing suileh thupi ka sa a, hoi ka sa deudeu hi. Tam laa in tup hoitah a nei a, Innsung chinte zui din a hoi mama hi.

Tang khatna ah:

A pa khu sum-le-pai a kimawl mi ahia, a neisa uh gou leh sum-le-paite taan a, paimang nasan khawhsalou in a kimawl na a hasuo ngamsih hi. Tam khu genthei kipatna bul ahi. Tu-le-tate bawl ding a zong i deilou uh tamtahte tulai in nu-le-paten bawl in kitawp theilou hi. I innsung a ding a phattuomna um vawtlou, phattuom malah a gentheina leh zawnna tuntu kimawl na thanguoi hasuo ngamlou in, a hing kiphawh chieng bangin i lungthah ngap zobawn uhi. Tambang hinkhuo toh i tate uh thupitah a hing khangkhie ding in i deisah un i kineppi uhi. Upate thupil in “Aipi a sihvahleh a noute zong a sihvah a, Sakhi a pi a sanleh a nou zong san” chiin i gen ua, hinanleh tam laa a kigen bangin eima tung ah etton ding bangma a umsih hi.

Tang nina ah:

A naute khu khamthei chiing zongsang ahi ua, gentheina bul hinna tomsahtu; Pasian gam tung thei ding umvawtlou ahi dan uh a gen hi. Tam laa a kigen bang in eiman tep-le-muom, neh-le-dawn ngawl zoulou in i tate uh khamthei a zongsang leh a sisan un a tahsap mama, a bawllou chieng ua a tahsa un a thuoh zouloute tawpsan ding in i phut uhi. I tate khamthei-guithei zongsangte khu a khamthei-guithei uh a bawllou chiengun a tahsa uh na sa in a thuoh zousih ua, eiten tep-le-

muom, neh-le-dawn (zatep-tuibuh, kuva, talap, khaini, dummuom) i bawllou chiengun na sa a, thuoh zoulou i um ding uoi. A nop vang ahisih chi i thei uhi. Bang ahiei a hawm khat, a kivat khat a um vingveng a, a hamsa mama a, hinanleh natna vang um zen lou ahi.

Tang thumna:

A nungah uh kholawi ngolvei (motpi), kholai ta (zawlta) tanpha zong a pai hiel a; A hinna hiel in a thuohlaw hi. Tam nungahnu i mawsah maithei ua, ama sang a khawh zaw kitam mama maithei ahi. Poimaw keeilou in kholai ah i vah ua, innsung a Lai Siengthou tang khat zong sim manlou, innsung mite toh zong innkuon thu houlim manlou in kholai ah Hotel a tou in hun sawtpipi mite gensietna in hun i zang uhi. Gen ding a kilawmte genlou in gen ding a kilawmlou, innsung, hattuum sung a eima kihilna ding a hoitahtahte kholai Hotel ah chiltui phul zen in i gen uhi. Lai Siengthou in Galatia 5:13-26 ah zalenna zang dih ding leh Khristian-te bawl ding a kilawmlou “Tahsa utna nasepte” leh “Hagau gate” ana gen ditdet hi. Tualeh Galatia 6:8-10 ah “Aziehpen tahsa lam a tu miin tahsa lam a sietna a at dinga, hinanleh Hagau lam a tu miin Hagau a kumtawn hinna a at ding hi. Tuachi’n sil hoi bawl chimtah sih va ui, i lungkieh sih nah pouleh ahun tahin a ga i at ding uhi. Tuaziehin hun lemtang i nei bang zel un mi zousie kungah silhoi bawl va ui” a chi a, Ephesa 5:15-21 ah “Tuachi’n na umdan uah pilvang un, mimote banga umlou in, mi pilte bangin um un. Nite ahoilou ziehin, na hun neisunte uh zang hoi un. Tuaziehin mosih unlen, Mangpa deilam bang ahiei chi theisiem zaw un. Tualeh zukham in um sih unlen, tuanah kidehzou louna aum hi, hinanleh Hagau a dimin um zaw un, Pasian late, phatna late leh Hagau lam late a nouma leh nouma kihouin, na lungtang uah, Mangpa dingin kituohtah leh kilawm tahin la sa un. Sil bangkim ah i Mangpa uh Jesu Khrist min in Pasian leh Pa kungah kipahtu gen ngitngat un. Pasian zaudan siemna ah khat leh khat kitulut tuo chiet un” ana chi hi.

Tang lina:

A nupen sakhuo motpi in midangte khu a vei mama a, a innsung ua sil tung: A pa uh innsung ngaisah theilou zen a sum-le-pai a kimawl mi, A tate uh khamthei sal a tang, bangma a zah thei nawnlou ahi ua, a tanu uh kholai lah a khosa, innsung a zah theilou a umte veilou in hattuum sung a sil tungte ana vei mama hi. Tammi nu zong i mawsah un i nuisan maithei uhi. Hinanleh tulai khangah eima hinkhuo enlou in mite hinkhuo i en ua, eima hinkhuo mandan ding buoipi lou in mite hoina i kineppi uhi. Buoipi lou ding buoipi in Pastor, Upa leh Hattuum lamkaite bang i mawsah un i hawmtha mama ua, hinanleh eiten lamkaina la hilei zong tam khel in i lamkai zousih ding uhi. Football peh enten apehte a hawmthaw ua, hinanleh amau kipehsahleh a laikim tan zong peh tung zoulou ding ngen hi zel hi. A mun tah a din leh a entu a kikhe mama hi.

Tang ngana ah:

Tam tang ah a pienpi sanggamte khu chielna a bawl a, khovel nunnopna mang leh nua-le-ma theilou zen a zalentah a hinkhuo zanglou in Pasian gam sui masa zaw va ui chi in chielna a bawl hi. Tam khu Lai Siengthou toh kituoh mama la khat ahia, Mangpa Jesu Khrist ngel in zong “Hinanleh Pasian Gam leh adihtatna sui masa un, tuachi’n tam silte zousie pieh belap na hi ding uhi” (Mathiu 6:33) a na chi hi. I gam uah Hattuum, Khotang, Nampi leh a dangdang in thupi ding a i zah mama uh tam Thupil 14:34 ah, “Dihtatna in nam a tawisang a, hinanleh khelna khu nam zalatna ahi” chi ahia, hinanleh dihtatna lampi zui ding koima a kipan i umsih uhi. Nidang lai a na kigen, “Gu inlen koima kitheisih sin” chi dandeu i hita ding uoimah a ham pouma in dihtatna i tangkoupui ua, hinanleh a tah a semsuo ngam ding a tawm mama hi. Dihtatna i tangkoupui lai un sum-le-pai hat in mi hoilai siemtang zoulou in mi hoilouten siem a tang ua, sum tampipi toh sepna i lei ua, Solkal in a phallou khamthei-guithei, sil kham puo leh zua in, galvan nasan toh sum i sui ua, ei taten a bawl ding ua i dei vawtlou uh mi tate shina ding i bawl ua, i tate bawl ding a i dei vawtlou uh sum suina dihlou tamtah i khawlsan theisih uhi.

A Thunon ah:

Dam man a umlou kana ding mai ahi; Ngolvei innkuon hi ung e; Etton tah umsih ung chi ahi. Tuaziehin tam laa bawltu in ngolvei innkuon sung ah etton ding a umsih a, nopna leh kipahna mu ding umlou in dam man zong a umsih ana chi a, dih mama hi. Leitung ah kipahna ding leh nopna ding sui in theitawp i suo ua, pa pen kimawl na a kideh zoulou in zong bang ahiei a kineppi ama tahsa nopsahna ahi bou a, khamthei-guithei bawlten zong khantouna ding a bawl ahisih ua, amau tahsa nopsahna ding a bawl ahi uhi. Tualeh nungah kholai vah in zong khantouna ding ngaituo hilou in ama tahsa nopsahna ding en ahia, anu uh sakhuo ngolvei in zong ama nopsah dan zui ahia, nopsahna i sui ua hinanleh a suina ding Mangpa a kipat sui masah ding “A dihtatna” i sui masahlou ziehun lawchinna mu ding umlou a, khantouna zong umlou hi.

~~~~~

## Khutzungte? Tanchin

Khatvei khutzung ngate lah ah kitheisiem louna lienpi a hing um mawh a, Nasa tahin kiniehl gige uhi. Khuzung lah a poimawna diehte uh kigen khietsieng ua, khut zung lah a poimaw pen leh manpha pen ahidan uh gen chiet in kisel zing uhi.

**Khutpi:** Khutpi in ahing gen a, mite’ kipah in hing suong mama  
“kei ka poimaw penpen hi. Sil ua, hing en duomduom mai uhi.  
neh ding chiengin bang, sil gel Tuamai hilou in Naungeh nawi  
ding chieng in bang, silkhat sim du a kapa nawitep ding aneilou  
ding chiengin bang ka poimaw chiengin kei ahing poimaw zel  
mama ki tellou in bangma bawl a, Naungeh dontu zong kahi  
thei ahisih. Tuaban ah zawna zel hi. Tuhun ngel in mobile  
itan chiengin vanlam kohtu in phone keypad mehna di’n kei ka  
kapang gige a, (thumbs up’) achi phatuom pen hi”. chi’n poimaw  
a vanlam ka kohtou chieng vel in kakisahnate kahinggen hi.

**Khuttal:** Khuttal ang kipan a, khutpi thugen ana bottan deh khop in “Ahoilam leh hoilou lam a mi akoh sawm chiengin bang sil kikawh mu ding chieng in leh thangpaina nei chiengin, kei apha tuom penpen ka hi. Thugentu taphot in angaidanuh suokhiet na di’n ahing zang paipai zel uhi. Sil himhim asimsawm chieng bangun hing genkhe zatzat uh. Tam malta me nehna ding a vanzat hoipen leh napkhem kheukhe siempen zong kahi nalai hi. Sil gel leh laigel ding chienga a geln pen tudi a hoipen zong kahi nailai chi’n ahing kiphat mama leuleu hi.

**Khutlai:** Khutlai zong hing kipan a, “ I lah uah kei ka saupen in, ka sangpen a, ka poimaw pen hi. Ka poimaw dan akilahna ahileh ang veng ding in ka gei tuoh khut zung nituoh aum hi. Kisuol chienga mi suhna di’n zong ka Gu apoimaw pen hi. Tua ahiman in kigen hoi seng sih un chi vatvat sam hi.

**Khutme-U:** Khutme-U zong ana kideh zou samlou in “keipen ITNA etsahnakana hi gige mai a, ana poimaw mama ka hi.

ZUNGBU buhna pen kahi. Ka pien ahoi pen a, KITENNA kei a kinga ahimai...! Mi thupi leh mi niempen te’n zong kitenna Zungbu bang, Platinum zungbu bang leh suongmantam chi tuomtuom vel hing busah in ing cheimawi zel ua, koima toh kiteeng lou nasanten zong hing busah kia nalai uhi..! Ka poimaw ban ah, kakilawm mama ziehin ilah ua zep kilawmpen leh poimaw pen kahi ahing chi zaizai hi. KHUTME: khutme in ama poimawna gen hun ding ana ngah kinken a, khutme-U gen zoutah in kei ka neupen na a, noute lah a ka ngiem pen tuon sih. Noute’ kinaipi batlou Pasian toh kinai pen kahi zing, ka neupen zieh ma in kakilawm pen a, ka ngaibang pen nalai...! Pasian ma a Jesu hing zilsah thumna nei ahi chiengin Pasian zatatna latsahna din amasapen in ka um gige a, noute sang in Pasian toh kakinai pen ziehin khum in ka poimaw dan chiengtah in a lang khesah hi chi chieu chieu in a poimawna thu gensam hi.

**Khutzung ngate:** Khutzung ngate’n I lah ua kei ka poimawpen chi chiet ahiman un akiseln uh

sunzom in akiniel nasa deudeu ua, kisuol bang sawm mai uhi. Tuabang boruak asan deudeu phetin Khutzungte: neitupa ahing kigol khongta hi. Khutzung neitu pa'n khutzung tengteng neu leh let thu hilou in, na bawn un kei a din na phattuom chiet uhi. Khutzung dangte tellou in khat chau zah theina hisih ua, phattuomna leh poimawna neilou na um sih uhi. Pasian in chituom chiet ding a hingbawl him nahi uhi. Saudan kibanglou, letdan kibang lou a bawl nahi uhi. Tuaziehin na pankhawm uleh nou mai a na bawl theilou ding na bawl thei ding uh. Khutpi leh khutal in sil geln in ka poimaw pen nachi ua, nou mai um le uchin bangchi'n sil na giel ding uai? A poimaw tuom sih ua, poimaw lou tuom zong ahi tuon um sih uhi. Nouma chiet ah poimaw lou tuom zong a um tuom sih. Nouma chiet ah poimawna na nei cheit ua, na pankhawm chieng un Music ka tum thei a, sil kagielthei a sil tuomtuom ka neh thei ban ah sil thupi leh manpha tah tah noute zang in kasemkhethehi hi chin poimaw chiet ahidan uh hilchien

hi. Khumna pat in khutzung ngate'n ahina uleh a dinmun uh ki theichien in ahing kilem thei khongta uhi. Unau tam khutzungte tanchin apat ijil thei ding um hi. Michin idinmun kibang kimsih nanleh, eima chiet ah manphatna inei uhi. Innsung a aphatuom pen a ikoite bang Hattuom, khotaang leh gam leh nam adia phattuomna neilou, poimaw lou hi a i koisimte bang heilam ahei, bang mun ahei ah poimaw in a phatuom mama zel uhi. I tempeina leh kivatna kithupisah, kipoimawsah, tuom seng leh kisathei lou kei ding ahi. Hei mun ah poimaw seng leh pahttuom mama ichite bang zong mun dang ah ana zahthei khollou uhi. tuaziehin kisang koi seng a, kiniem koi sengseng ding zong ahisih. Eima mun chiet ah ipoimaw un imanpha mama ua, koipou in idinmun kitheisiem pi a, i pankhawm chiengun innkuon, Hattuom, khotaang, gam leh nam lawching ding ihidan khutzungte apat ijil khe thei ding hi.

R/M July-Aug. 2018 issue apat lahsawn.

# KHANGLAITE JESU KRIST A DIING IN

(ZPYF DAY SERMON 8/26/2018)

- Pastor Khai Minthang, USA

LAISIENGTHOU: “Tam thupiehte pie inlen zilsah in: Na naupanna Koima’n simmaw sih heh, hinanleh hamkam suoh ah, gamtat dan ah, itna lam ah, hagau lam ah, ginna lam ah, sienthoua lamah, gingtute etton ding hi zawin.” (I Timothy 4: 11-16)

THUPATNA: Khanglaite khu ataangpi a gen in kum 14 apat in kum 35 tan veel hi diing ngaituo thei hi. Presbyterian Hattuum dan in khanglai kichite khu kum 14-40 kikaalte ahi uhi. Hilezong, mi tamzawte ngaidan in khanglaite khu kum 14 tuom apat zinei masangta’n chi ahi. Bangtenghileh, “Khanglaite” kichi chienga ama lungsim a “Kei zong khanglai kahi” kichi theite zousie khu khanglai himai leh hoiva kachi a, tuadan ngaituo jou nawnloute khu naupang, khanghaam leh teehsie ahita uh chilei a kilem in igen nuompen tawh a kituoh zaw diing in ka ngaituo hi. I naupanlai apata inu leh pate’n ang etkol uh ahia, tuta’n ang etkol zing nalai uh ahia, eite tha neeh kaal a ngahla mama uhi. Laphuotu khat in, ”Bawi aw hing khang mengmeng aw, pam

a tuoi dawng hing bang aw, pama tuoi dawng nangbah chieng, nutha heng patha heng aw, bawi aw e!” achi hi. I laa kidemna in “Khanglai na zaitha ahat e, leitung pahbang hi chi thei in” chi hi. Khatpen ah, “Na pallai hun manpha hi; na sana khang ahi. Na vanglien liibang ching in, kamkei bang in saleng. Lei nopsahna leh kipahnan zanglou in, midangte din zang in na pallai ni. Na pallai hun abei ma’n, na zaitha tawldamna din, Tung Sienmang di’n sem in aw” chi ngetngut hi. (Eccl. 11:9 apat 12:1-7 sim in)

KHANGLAI TIMOTHY: Paul in Timothy a thuhilna ah a khanglai nite khu “Koima’n simmaw sih heh, hinanleh hamkam suoh ah, gamtat dan ah, itna lam ah, hagau lam ah, ginna lam ah, sienthoua lamah, gingtute etton ding hi zaw in” chi hi. Mite simmaw lou a,

mite etton diingte khu:

1. Hamkam suoh ah – Kam dam, kam hum chite zah diing – hepinatawh, lungdam, chite zah diing
2. Gamtatdan ah – Nu-le-pa leh tungsiete zatatdan siem, gamtat-khohei kilawm diing
3. Ittna lam ah – Ittna lahsahna chilbawl lou diing, Pasian, i mihinpite leh ganhingte leh sing-le-loute itna nei diing
4. Hagau lam ah – Pasian thu lungngai diing, piengtha diing, Pasian a masa a koi den diing
5. Ginna lam ah – Ginna (upna) tawh kalsuon diing, Pasian kung a kinga leh Athu umte hi diing
6. Sienthoua lam ah – Tahsa leh lungsim sienthoua nei diing. Sienthoua lou in koima'n Pasian mu theilou hi

Tambangteng ah khanglaite mite simmawna omlou a, mite etton thei diing a om diing ihi uhi.

KHANGLAI MISSIONARY-TE: Tam aney a khanglaite'n leitung nopsahna sang in Pasian a diing in kipekhie in, a innsung leh gamsung nopsahna sang in Pasian theilou mite kung ah missionary in kuonkhie uhi. A khanglai hun hoi laitah uh Pasian pie uhi. Tam khanglaite zieh in Pasian in agam uh guolzawl in, thupha pie hi. Ama ute:

1. Jesus Christ, the Messiah (Circa. 3 – 33 AD), I Hundampa Mangpa Jesu Krist in ministry apat in kum 30 veel a upa ahi.
2. David Brainerd (1718-1747), Haddam, United States. 1743 a Native American-te kung a missionary akuon in kum 25 a upa ahi hi.
3. William Carey (1760-1834) Paulerspury, United Kingdom. 1793 a India a missionary akuon in kum 33 a upa ahi hi.
4. Adoniram Judson (1788-1850) Malden, United States. 1812 a Burma a missionary

akuon in kum 24 a upa ahi hi.

5. Hudson Tayler (1832-1905). Barnsley, United Kingdom. 1854 a China a missionary akuon in kum 22 a upa ahi hi.
6. Mary Slessor (1848-1915). Aberdeen, Scotland. 1876 a Nigeria a missionary akuon in kum 28 a upa ahi hi.
7. Missionary JH Cope (11/21/1882 – 6/11/1938) khu 1908 a Burma ang pei in kum 26 a upa ahi hi.
8. Missionary Watkins Roberts (9/21/1886 – 4/20/1969) khu December 1908 a India in kum 22 a upa ahi hi.

PASIAN SIMMAWTE LEH A SHIDAN UH: Leitung a adamlai ua minthang mama, Pasian deilou leh chiemmuibawl mi bangza ekhatte thugen leh a shidan uh envai:

1. Thomas Andrews (1873-1912): Titanic long bawlpa chia kiminvaw, longpi bawlsiem mamapa in Royal Mail Ship Titanic longpi kibawldan ah kingam seng

in, thutha saite (reporter) khat in Titanic ngamhuoidan adoh lai in awsuo khautah in “Pasian in zong tumsah jou sih va” (Not even God can sink it) achi hi. April 1912 in vuakhal phukha in a longpi tui a atum gentahlou mihing 1500 te hinna mangthang a, Thomas Andrews luong kimu nawnlou hi. Ashi in kum 39 a upa ahi hi.

2. Tancredo Neves, President of Brazil (1910-1985): Brazilian Presidential campaign abawl lai in mipiten deithei mama uhi. A campaign lai in vote 500,000 ama party apat amu ngeingei leh Pasian nasin in zong President ahina diing apat paikhe theilou diing in gen hi. Brazil President hi diing hithei phiel napi, election kuon lien in shi a, President ahina diing tung joulou hi. Ashi in kum 75 a upa ahi hi.
3. Marilyn Monroe, (1926-1962): Hollywood celebrity minthang mama in film shooting a bawl lai in Billy

Graham in amanu kung a Pasion Hagau in thugen diing a sawl ahidan agen laitah in, “Na Jesu ka poimaw kha sih” (I don’t need your Jesus) na chisan hi. Sawtlou in a lupna tung a shisa in kimu hi. Ashi in kum 36 a upa ahi hi.

4. John Lennon (1940-1980): Beatles a lasasiem minthang mamapa interview a kibawl lai in “Christianity khu abei diing a, amangthang diing. Tuami ka kinielpi ngai sih, Jesu khu hoina, hilezong a nuazuite khu tuni hun a diing in ngiem seng uh, kou ama sang in ka minthang zaw uhi” (Christianity will end, it will disappear. I do not have to argue about that, I’m certain Jesus was okay, but his subjects were too simple today, we’re more famous than him). Tami thu kigen jou 1966 in Fab Four kichite kikhenthang ua, 1980 kum in Lennon khu David Chapman in thau tawh a kapliata hi. Ashi in kum 40 a upa ahi hi.

BABYLON SALTANNA A KHANDLAITE: Jehoiakim vaihawmlai 606 BCLai in Babylon leengpa Nebuchadnezzar in Israelte sal in pui hi. Israel tate lah apat in mi li kumpi vaihawmna panpi diing in teel in aminte uh zong khel pieh hi: Daniel apat Belteshazzar, Hananiah apat Shadrach, Mishael apat Meshach, leh Azariah apat Abednego. Leengpa Nebuchadnezzar in tami mihing lite khu Chaldean ham leh Babylon pilna zil diing in teel hi. Full scholarship mu uhi. Kum thum sung zil diing, tuachieng a leengpa nasem diing, Babylon leengpa zu-le-sa nethei diing in kiteel uhi. Hinanleh, Daniel leh a lawm thumte in ann sienglou ne a kibuasah nuomlou ahizieh un ni sawm sung annsieng (kosher) leh tui nee diing leh etkhietna nei diing in ngetna bawl. Pomsah ua, ni sawm jou chieng in enkhie ua, adangteng sang a se-sawm a hoizaw in mukhie uhi.

A Babylon lawmte uh thangsie kisaseng in Daniel leh a lawmtate shitheina diing uh vaihawm uhi. Daniel 3 sung ah Nebuchadnezzar

in a hausatna leh thuneina etsahna diing in ngun milim thupi mama 60 cubits (feet 90 taang) a sang leh 6 cubits (feet 18 taang) a lien khat Dura phaizang ah siem in, mipite a bie diing in thupie hi. Shadrak, Meshak leh Abednego-ten leengpa thupieh zuilou in milim masang ah kuun nuomlou uhi. Tuachiin, Shadrak, Meshak leh Abednego-te khu meiphuolpi asat dan ngaina sanga ale sagi a sa meilipi ah pai in a omta uhi. Meilipi sung a apai uleh a haltuina meiphuolpi lah asat seng ziehin, meikuongin Shadrak, Meshak leh Abednego meiphuolpi a pailutte akalumta hi. Meilipi sung a apai uleh mihing thum kipai lai mihing li apha hi.

Nebuchadnezzar khun lamdang sa sengin kintah in adingdoh a, athudohmite kung ah: “I kantom a meiphuolpi sunga ipailut uh mithum hilou ahi uoi mah?” chi in adong hi. “En wawi un, mi li phelsa a um, mei lah a vah kawikawi ka mu a, bangma achi sih uhi; tualeh alinapa melpuoh dan Pasian tapa abang hi” achi hi. Tuachi’n Nebuchadnezzar in

thu agen a, “Shadrak, Meshak leh Abednego Pasian phat in umta hen, Ama’n avansawlsieng ahing sawl a, Ama muong asuohte ahundoh hi. Tualeh amaun leengpa thu asang sih ua, tualeh amaun a Pasian uh chilou pasien dang mawngmawng abieh louna dingun leengpa thupieh sulamdangin atahsa uh apephal uhi. Tuachi’n michin, namchin leh hamchin a mi koipou Shadrak, Meshak leh Abednego Pasian tunga thu hoilou gen pouma sat nen in a um ding a, a innte uh vutvam asuoh ding hi, chiin thupieh ka bawl ahi; aziehpén tambang a hundohthei Pasian dang a um sih hi,” achi hi. (Daniel 3: 19-29)

Pasian in Ama thaunute khoikha lou diing leh a Zawlneite susie lou diing in thu ang pie hi. (Lapite 105: 15; 1 Khangthute 16:22). Jesu Krist in ang taisan sih diing a, zong ang nuasie sih diing hi. (Heb. 13:5). Aman nang leh kei ang hundam thei a, ang hundam nuom a, zong ang hundam jou diing hi.

THUZAWNA: Khanglai hun khu leitung mijousie kinepna leh mite mitsuon ihi laitah ahi. Kumpiten galkap diing a ang dei laitah uh ahia, sumbawltan vanlei diing a ang deipente uh ihia, nasep neiten nasem diing a ang dei pente uh ihia, school, college leh university-ten sangnaupang diing a ang deipente uh ihia, nule-paten atha uh heng diing leh innsung vaihawm diing a ang muon pente uh ihia, nampi in

nampi vaihawm diing a ang muon pente leh khangsawn nopsahna diing a ang muon pente uh ihi uhi. Tamteng sang a thupizaw, a tung a khanglai manpha igente bang a ihina na ua mite simmaw hilou a mite etton hi diing a, I MANGPA JESU KRIST IN AMA A DIING A ANG DEITE KHANGLAITE IHI UHI. Pasian in ang hatna dawng vai. Mangpan hing guolzawl taken, Amen!

Reports:

### **SEIMINAR LAWCHING TAH A ZAW AHITA**

Apeisa September 26.2018 nilaini in Tuiningkual District saina in One day Seminar Zomi Zion Presbyterian Church a lawching tah in akizang zouta hi. Tami Seminar huna Rev. Dr. Hangpi Manlun leh Rev. Kaimuanlal Biel Pastor te khu Resource Person a pang in Mission & Evangelism leh Church Leadership chi thupi tungtawn in paper present na anei uhi. Tualeh tami Seminar a District apat in palai 40 vel akipeikhawm a aki lim thei mama hi. Local Hattuum Seminar a pangte neh ding in Annkuong lui uhi,.

Mangpa'n thupina tangta hen.

Reported by

Upa Khupchinlam  
Secretary  
Tuiningkual District.

## JESU KHIRST KOI HI E...?

- = Biology apat et in: Nupa kipawlina apat hilou in ahing pieng hi. (Isai 7:14; Luk 1:26-37).
  - = Phiysics apat etin: Lei hipna (Law of gravity) dan kal in Van ah apei (Mak. 16:19)
  - = Economics apat et in: Tang ha 5 leh Nga 2 (Law of Diminishing Return) dan botsie mi 5000+ a vah zou (Mat. 14:19; Jn. 6:13)
  - = Medical apat et in: Damdoi tel vawtlou in damloute leh mittawte thu' in a sudam (Mat. 15:3;0; Mak 1:34).
  - = History apat et in: Abul leh atawp hi (Jn. 1:1-5; Kil. 21:6; 22:13)
  - = Gam vaihawmna (Govt.) apat et in: "Vaihawmna alieng a tuong, lamdang, lemthei, Pasian hat, kumtawnpa, lemna mang chi ahi (Isai. 9:6,7).
  - = Sakhuo lam apat et in: "Keima lampi leh thutah leh hinna ka hi; Keima a peilou koima Pa kung atung sih ding" achi (Jn. 14:6). Tam chitu koi ahiei le...? Jesu Khrist ahi. History a mi thupi penpen.
  - # Suohneinei ngailou hinapi'n "Mangpa" chi ahat ahi..!
  - # Degree nei lou hinapi'n "Zilsahtu" chia hat ahi.
  - # Damdawi neilou/zanglou hinapi'n "Sudamtu" (Doctor) chi-a hat ahi.
  - # Sepai nei ngailou hinapi'n "Sepaite Mangpa" ahi, lei kumpiten azau mama uhi!
  - # Sepai kidouna telkha vawtlou hinapi'n "Khovel Zou" moh hi!
  - # Khelna bawlkha/bawlngai vawtlou hinapi'n "Siemloutang" a kilbeh in um hi.
  - # Haan avui, shisa hinap'n, "tuni leh tangtawn" dong in um gige hi.
- Ruth Messenger Sept.-Oct. 2018 issue apat lahsawn.*

## 26th September to 23rd October 2018 sung a Tunnu Limbel panpina pete:

|                                                  |     |        |
|--------------------------------------------------|-----|--------|
| 1. Pa Kamkhogin, Central Church .....            | Rs. | 200    |
| 2. Nu Mansuanniang, Hiangtam (K) .....           | Rs. | 100    |
| 3. Nu Manhuai, Hiangtam (K) .....                | Rs. | 100    |
| 4. Nu Nianvung, Hiangtam (K) .....               | Rs. | 100    |
| 5. Nu Lalam, Mangjing .....                      | Rs. | 100    |
| 6. PWF Tongdam Anntang taang .....               | Rs. | 700    |
| 7. Nu Nousuanching, Central Church.....          | Rs. | 500    |
| 8. Nu Dimneiching, Central Church .....          | Rs. | 1,000  |
| 9. PWF Zotang District, Tunnu Limbel tuohkhawm . | Rs. | 765    |
| 10. PWF Behiangtung Anntang taang in .....       | Rs. | 300    |
| 11. Pi Niangpi w/o Hausuanthang MDC .....        | Rs. | 1,000  |
| 12. Nu Donneithiem, Singngat .....               | Rs. | 500    |
| 13. Nh. Ningpi, Tuimanjang .....                 | Rs. | 100    |
| 14. Mrs. Flora Hatnu, UK .....                   | Rs. | 30,000 |
| 15. PWF Tuining Anntang Kg. 36 & .....           | Rs. | 1,000  |
| 16. PWF Central Church Anntang Kg. 126 & .....   | Rs. | 2,170  |
| 17. PWF Gunpang District Tunnu Limbel tuohkhawm  | Rs. | 947    |
| 18. PWF Sangaikot Anntang taang .....            | Rs. | 800    |
| 19. Imphal District Khawmpi tuohkhawm .....      | Rs. | 2,,020 |
| 20. PWF Lamka District Khawmpi tuohkhawm .....   | Rs. | 1,816  |
| 21. PWF Tuiningkuol District Khawmpi tuohkhawm   | Rs. | 300    |
| 22. Nu Mannianching, Lailamveng .....            | Rs. | 500    |
| 23. Nu Hoineu, Tuilaphai : kolsing leh thuohlu   |     |        |
| 24. PWF Maukot Anntang .....                     | Kg. | 50     |
| 25. PWF Daijang Anntang .....                    | Kg. | 22     |
| 26. PWF Teisajang Anntang .....                  | Kg. | 70     |
| 27. PWF Muollum Anntang .....                    | Kg. | 60     |
| 28. ZPWF Atlanta, USA.....                       | Rs. | 21,600 |

Petu zousie Mangpa'n hing guolzawl zing taken.

Adihloute Office a suhdih theizing ahi.

~~~~~

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S. Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkthothang	12. Upa Dr. M. Lachinkhai
13. Upa Khamchinjam	14. (L) Upa D.K. Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Retd. Tualzachin	22. Rev. (Retd.) H. Nengzaton	23. Rev. Awnkhanthup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkthothawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhoiinn	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhoniam	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiinn	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. Upa (L) Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkholhing
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Upa (L) Langminthang	99. (L) Rev. David K. Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhankap
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppaa	114. Rev. (L) Mangsuanthang	115. (L) Pu Lamchinhau	116. Upa Pauchinlel
117. Nu Kimneihoi	118. Upa Kamgenpau	119. Nh. Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuanthup	132. Upa M. Kamzadou
133. Pu Jamkholian Munluo	134. Pu Sianzakhai	135. Upa Thangginsuan	

LIFE MEMBER-TE

01. Upa (L) T. Khupkhenpau	02. (L) Pu M. Ginzahau	03. (L) Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngainuom
07. Pu Chinsuanthang	08. Upa Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	18. Upa P. Doukholun

Undelivered

Please return to:

The Editor

KHRIPTIAN TANGKOU
ZPCS Office, Zomi Colony
Churachandpur - 795 128
P.O. Box - 48, Manipur, India
Synod Office Telephone No. (03874) 235105
Website: zousynod.org | email:info@zousynod.org
zpcs@rediffmail.com/zousynod05@gmail.com

7a,
